

بِسْمِ اللَّهِ الرَّحْمَنِ الرَّحِيمِ

# سلسلہ تحریف اول

کلام

حضرت سید ملک علی شاہ صاحب

کاظمی المشہدی قادری نوشاہی

المختلص سائیں لوک

اول سجادہ نشین

درگاہ عالیہ بدو ماہی شریف ضلع نارووال





اک اونکار ربیعہ اللہ، ات پت نال قدرت سنسار کیتا  
 آپے آپ نہ دوسرا ہو کوئی، پورن برہم آدم جنم دھار کیتا  
 آپے وید قرآن تعلیم دے کے، آپے اپنا آپ اظہار کیتا  
 سائیں لوک آکاش پتال اندر، اپنے نور دا کل پہار کیتا



بود رنگین کئی روپ اندر، آپے روپ سروپ نوں دھار آیا  
 اندھ دھند تے گھوپ اندھار وچوں، اجل ہو آپے کرن ہار آیا  
 کتے رام کرشن تے نوح موسیٰ، بن نبی احمد مختار آیا  
 سائیں لوک ایہہ گنج اسرار مخفی بناں پیر کھلن دشوار آیا



تیرتھ گنگا تے حج کہ مانس، دیہ وچ گرو کراوندا اے  
 پٹ اندر دے کھول وکھا دیندا، جیہڑا تیرتھیں نظر نہ آوندا اے  
 رنگ وچ توحید رنگین کر کے، پردہ دوئی دا دور ہٹاؤندا اے  
 ایچ پیچ اس گٹھڑی دے کھول سائیں، گورو وچوں ای لعل وکھاؤندا اے





ثابت ہو توحید اندر، دلوں غیر دی پریت نوں توڑ بھائی  
 مزہ یار دے ملن داندوں آوے، بہیں کُل ولوں منہ موڑ بھائی  
 مایا موہنی استری پُت دھیاں، ایہناں ساریاں دی حرص چھوڑ بھائی  
 سائیں لوک جے دنیا دی قید وچوں چاہیں چھٹنا <sup>۱</sup> گورو نوں لوڑ بھائی



گورو باجھ نہ دھرم اپدیش ملے، گورو باجھ نہ گیان کوئی گاؤندا ای  
 گورو باجھ نہ آتما وس ہوندا، گورو جنم دی میل ونجاؤندا ای  
 پاپ کھوٹ سریر دے دور کردا، جدوں مہر دے دھیان وچ آؤندا ای  
 چھڑیں چرن نہ گورو دے سائیں لوکا، گورو سری بھگوان کہاؤندا ای  
 سوانس اک جو گورو دا دھیان دھارے، کئی کوٹ اپرادھ دے کٹدا ای  
 لالچ لوہب تے موہ ہنکار ویری، مڈھوں ایہناں دی بنج نوں پٹدا ای  
 راج بھاگ تیاگ کے راجیاں نے، سودا ڈھونڈیا گورو دے ہٹ دا ای  
 سدا داس رہیں گورو دا سائیں لوکا، کڈھ نرگ تھیں سورگ وچ سٹدا ای





جہاں نے سس قربان کیتا، اگے گورو دے اوہ نہال ہوئے  
 پی کے پریم پیالڑے عشق والے، دیا گورو دی تھیں لالو لال ہوئے  
 دکھ دور ہوئے سکھ آن ملے، یار لا چھاتی مست حال ہوئے  
 گورو دین دیال و تار ملیا، سائیں لوک دے بھاگ کمال ہوئے



جسم خاکی اپر عرش پہونچا، دیکھ عشق دا ایہہ ظہور بھائی  
 عشق طور پہاڑ نچا دتا، جانیں مرتبہ عشق دا دور بھائی  
 ترک ماسوی اللہ دی تاں ہووے، اندر عشق دا بے تندور بھائی  
 سائیں عشق پرواز دی دے طاقت، خاکی جسم کردا نور و نور بھائی



حکم نہ منا نفس ظالم، تیشہ رکھنا جان تے قبر دا ای  
 ایس نفس نوں موڑنا لذتاں تھیں، نت نواں وہا جتا ویر دا ای  
 وچ ام الکتاب دے فکر کرنا، سیر بناں کشتی ڈونگھے بحر دا ای  
 سائیں عشق دی لگن آسان پہلاں، دم ہجر والا پیالہ زہر دا ای





خواریاں ساریاں نفس ظالم ، جو مغلوب اسدے غیر آباد جانیں  
 جنہاں جانیا دنیا نوں خاص جیفہ ، قید نفس تھیں اوہ آزاد جانیں  
 صبر شکر دی جنہاں گلیم بدھی ، فاتق فقر دے وچ دلشاد جانیں  
 سائیں جتیا جنہاں نے نفس ظالم ، غازی پہلوان بامراد جانیں



دوئی نوں دور کر ویکھ طالب ، پتلے خاک وچ کون ہے حکم کردا  
 نور ذات حقیقی دا وچ تیرے ، رستے پیردے محو کر غیر پردا  
 رنگ وچ توحید رنگین ہوکے ، درشن یار دا پا کے نیک مردا  
 سائیں نفس دا جنگ جہاد اکبر ، صادق سورماں ایس وچ قدم دھردا



ذوق تے شوق دا وچ دل دے ، میرے پیر چراغ جلا دتا  
 جہڑا شرق تے غرب دے وچ ناہیں ، روغن اوس زیتون دا پا دتا  
 حلے عشق صبا دے لا میرا ، غنچہ قلب دا خوب کھلا دتا  
 سائیں لوک تے پیر نے کرم کر کے ، یومنون بالغیب دکھا دتا





رنگ سب اوس ہے رنگ دے نیں ، صہفۃ اللہ پڑھ نال یقین بھائی  
 سورۃ نور تھیں چمک دا نور اللہ ، جو کجھ آسماں وچ زمین بھائی  
 اول آخر اتے باطن ظاہر ایہو ، ایہو خاص ہے عین یقین بھائی  
 سائیں سمجھ توحید دی ہے مشکل ، جنہاں سمجھ آئی کامل دین بھائی




زینت چاہیں جے توں دین دنیا، وچ سلسلے قادری آ یارا  
 ذکر شغل اور اد تھیں لے حصہ ، مزہ عشق حقیقی دا پا یارا  
 رنگن غوث اعظم ہور رنگ ناں تھیں ، اعلیٰ کئی حصے صد ہا یارا  
 سائیں عشق حقیقی دا فیض دریا ، اندر آ جلدی غوطہ لا یارا



سمجھ یقین دے نال بھائی ، نَحْنُ اقْرَبُ تھیں کون نزدیک رہندا  
 فَانْفَخْتُ فِيهِ مِنْ رُوحِي ، رب اپنے روح تھیں روح کہندا  
 آیت پڑھو ثانی مَعَكُمْ ساری ، تریں نال تروا بہیں نال بہندا  
 سائیں ستر انسان ہے خاص میرا ، ستر میں ہاں اوسدا رب کہندا





شان سارے روح الاعظم دے نی، جہڑا عالم دے وچ معمور ہویا  
 امراجر بن کے آیا رب ولوں، اسم جسم تھیں صاحب ظہور ہویا  
 رتبے علوی تے سفلی دے وچ آپے، کتے نار ہویا کتے نور ہویا  
 سائیں غسرتے یسر دے وچ پھسیا، جدوں اپنے اصل تھیں دور ہویا



صاف کرنے شیشے قلب دے نوں، حب ماسوا اللہ تھیں خوب بھائی  
 گوشے بیٹھ دھیان لگا اندر، دیکھیں اپنا خاص مطلوب بھائی  
 نفی اپنے آپ دی کریں ہر دم، رہیں آپ نہ، رہے محبوب بھائی  
 سائیں یوسف مقصود دالے تاہیں، ہجر ہووے جے وانگ یعقوب بھائی



ضرر زبان تے نال ہتھاں، دُئیں ذرا نہ کسے کنگال تائیں  
 رنج دوسرے دا سمجھیں رنج اپنا، پچھیں دلوں غمگین دے حال تائیں  
 تیرے پاس لے کے آوے درد دل جو، کریں اوسدا درد کمال تائیں  
 سائیں حال وارو ہووے خلق خدمت، ورنہ رب نہیں جاندا قال تائیں

بہارِ ما





طالباً بیٹھ کے وچ گوشے، ہر دم یار حقیقی نوں دیکھ یارا  
 محو ہو تصور دے وچ ایسا، دل وچ غیر دی رہے نہ بیخ یارا  
 تن تانباتے نام اکیر جانیں، اُتے سٹ کے دیکھ لے لیکھ یارا  
 سائیں جہدے ہر دے ہر وسدا اے، اوہنوں سوہندا فقر دا بھیکھ یارا #

غور سے دیکھو



ظاہر انتھ حواس خمسہ، گوشے بیٹھ اندر دلوں دھیان دھاریں  
 اک یار والی کھلی رہے طاقی، ہور گرد چوہیر دے طاق ماریں  
 وچ نفی اثبات دے کریں ہمت، ایس کوششوں کدے نہ مول ہاریں  
 سائیں یار دے روپ انوپ اتوں، مال دھن سارا جسم جان واریں




عشق حقیقی دا مست بادہ، حضرت علیٰ نوں نبیٰ پلا دتا  
 پردہ غیر اغیار دا دور کر کے، گنج مخفی دا راز بتا دتا  
 دست شاہ ولایت دا پکڑ سرور عین نال ید اللہ ملا دتا  
 سائیں علم لدنی دا علیٰ مظہر، سرور پاک نے صاف فرما دتا





غیر نہ دوسرا ہو جائیں، مٹاں قُرب محبوب تھیں دور ہونویں  
 کرہ عیش آرام دا تَج آپے، جنگل جہل دے وچ رنجور ہونویں  
 بام خودی، غرور تھیں آئیچے، مٹے ڈگ اُتوں چکنا چور ہونویں  
 سائیں رحم کرے جدوں رحم والا، عالی بارگاہ وچ منظور ہونویں



فیض محمدی عاشقاں تے، سایہ مثل ہما دی ہے کردا  
 طالب بحر عمیق توحید اندر، زیر سائے نبوت دے ہے تر دا  
 امرت ابدال آباد دا پی عاشق، پریم نگر دے باغ وچ قدم دھردا  
 سائیں اپنا آپ نہ جاپ او تھے، اندر بار وے روپ ہری ہر دا



قُرب محبوب دا پا عاشق، دنیا دون وی حرص تھیں پاک ہويا  
 لا اِلٰہ تھیں غیر نہیں ہو کوئی، اِلَّا اللہ دے وچ اور اک ہويا  
 ہو ہو دے ذکر تھیں وچ گھر دے، روز ازل والا ثابت ساک ہويا  
 مَن عَرَف تھیں سائیں رب لہٹھا، پورا حکم ایہہ صاحب لَو لاک ہويا





کرب بلا دی ابتلاء دے، بھارے بھار امام قبول کیتے  
 خادم بھائی بھتیجے تے جگر گوشتے، نذر مولا فرزند بتول کیتے  
 درجے خفی تے جلی شہادتیاں دے، اپنے رب تھیں اوہناں حصول کیتے  
 سائیں وحی الہی مصائبناں دے، حال پیش بیان رسول کیتے



لعل پوشیدہ ہے وچ تیرے، ایہدے پاوئے دا علم پڑھیں بھائی  
 پتا لعل دا خاص جودے تینوں، سراوسدے قدماں تے دھریں بھائی  
 سبق صدق دا سکھ استاد کولوں، ہر دم یاد اندر محنت کریں بھائی  
 سائیں ملے کر کے منزل مرحلے نوں، اوپر جا معراج دے چڑھیں بھائی



مورچے قلعے دے قائم کر کے، پاسبانی دے وچ بیدار رہنا  
 نامدار اسوار نی پنج دشمن، قلعے اپنے وچ ہوشیار رہنا  
 پنجتن پاک دے زیر کمان ہو کے، وچ حکم صاحب ذوالفقار رہنا  
 زڑہ نام دھیان دی پہن سائیں، بالمقابل دشمن ہاتھیار رہنا






نقل تے عقل دے نال آپنا ، رب پاک نہ کسے نے پایا ای  
 جیہڑے علم دی کنہ تھیں رب لبھدے ، ضائع اوہناں نے وقت گویا ای  
 بناں عاشقاں صادقان عارفاں دے ، رب کسے نہ مول دکھایا ای  
 منہ اپنے دا حسن فتح سائیں ، بناں شیشیوں نظر نہ آیا ای




واسطے وارستے رب اندر ، پیر کامل دا ہونا ضرور جانیں  
 چاہیے ڈھونڈنا حاذق طبیب اس نوں ، جیہڑا مرض دے وچ رنجور جانیں  
 با آرام سواری تے پہنچدا اے ، جیہڑا سفر لمبا بہت دور جانیں  
 سائیں جنھاں پیتا بادہ ساقی کولوں ، عین صادق اوہ مست مخمور جانیں



ہادی اللہ مثل باغبان دی ، خادم شور شیریں دونویں کھیت جانیں  
 بیج کیسردا نام دھیان مولیٰ ، اگدا نہیں وچ شور تے ریت جانیں  
 زمین ناقص اندر محنت باغبان دی ، ضائع ہوندی اے بیج سمیت جانیں  
 سائیں نور نبوت دا بیج سرور ، ہر جا بویا نال ہیت جانیں





گرو پچھانی ایس سو ای پورا، وچوں اپنا آپ دکھا دیوے  
ان بھئے نیت کھول کے تے، جنم مرن دا بھرم گوا دیوے  
تسبی سمرنا، پاٹ، گیان منتر، وندکتھا تھیں جان چھڈا دیوے  
کس کم ہے گورو اوہ سائیں لوکا، نرا بھیکھ دا بوجھ چکا دیوے



نیست ہو کے مزہ ہست پانویں، فیر مست شراب طہور دا ایس  
ساقی جام باقی بھر بھر دے تینوں، نازنین توں حور قصور دا ایس  
فانی جسم نوں رکھ فنا اندر، باقی ویکھ عارف پتلا نور دا ایس  
سائیں کریں ہر دم قطع سفر منزل، بہنا پلک ناہیں، راہی دور دا ایس







گک گیا جنھوں عشق مولیٰ ، دلی ظاہر تے ہامن دے اور ہو گیا  
 بیہوا سی گنام تے نالے مجلس ، دولت عشق دی پا مشہور ہو گیا  
 چنے عیب شری ہو دے بھانویں کوئی ، دامن لگاتے اور منظور ہو گیا  
 سائیں تلب سلامی دے دلی قصہ ، اوہناں عاشقاں دا مشہور ہو گیا



ایس وجود شہود اندر ، دیکھیں غور دے نال یک سو ہو کے  
 چشمہ کوش بنی ہونٹھ بند کر کے ، دھونڈیں یار نوں کوہ کو ہو کے  
 اگے دلی دے تحت تے بنی بیٹھا ، شاہنشاہ تیرا ماہ رو ہو کے  
 سائیں یار اگے کریں دلی سجدے ، ہمہ تن سارا ہو ہو ہو کے



یاد اللہ ہر دم یاد اللہ ، ساڈی یاد اللہ رہے یاد یارا  
 ایہ مسافر خانہ دنیا چند روزہ ، سدا رہیا نہ کوئی آباد یارا  
 جنھاں دنیا دے نال پریت لائی ، کردے گئے فریاد فریاد یارا  
 سائیں یار دے نال تیار بیٹھا ، ہو کے ابدال آباد دلشاد یارا



بِسْمِ اللَّهِ الرَّحْمَنِ الرَّحِيمِ

# سہ حرف کلام

کلام

حضرت سید ملک علی شاہ صاحب

کاظمی المشہدی قادری نوشاہی

المختلص ناصر

اول سجادہ نشین

درگاہ عالیہ بدو مہی شریف ضلع نارووال





آئیے خواباں دی فوج ساڈا ، تیغ حسن کولوں دل فگار کیتا  
ترک نیناں نے تیر پلک والا ، طرفہ عین تھیں سینوں پار کیتا  
بسمل مرغ دی ہوئی مانند گھائل ، زخمی آن مینوں شہسوار کیتا  
ناصر نال آرام دے بیٹھیاں نوں ، برہوں دھاسا نوں بیقرار کیتا



بس ہوئی ساڈی زندگانی ، زخم عشق دے تھیں خون چک دا اے  
درداں نال میرا رنگ زرد ہويا ، دل دارالشفاء نوں سکدا اے  
نالے ہجر معشوق بیمار کیتا ، دوجا طعن مینوں ہر اک دا اے  
ناصر یار نوں آکھ خرید کر لے تیرے نام اتوں پیا وکدا اے



ترس نہ آوندا یار تائیں ، سانوں درس تھیں پیا ہٹاوندا اے  
ظلم ہجر تے جور جفا کولوں ، ساڈی زندگی پیا مٹاوندا اے  
نیت پھرے رقیب دے نال خونی ، میرا نفس حیات گھٹاوندا اے  
ناصر زندگی تھیں ہن مرن چنگا ، زہر غیرت دا یار چٹاوندا اے






شمن ہو یا جلوہ یار دے دا ، جان عاشقاں درد رنجانیاں دی  
آکھن نال خوشی عاشق جان حاضر ، کوئی کوک نہ سنے نماںیاں دی  
ثابت قدم ہو کے درتے پئے پھڑکن ، نہ کوئی خبر لئے عشق ستانیاں دی  
ناصر ہوش دے نال توں سمجھ باتاں ، ایہو قدر ہے مفت وکانیاں دی



جنھاں تے یار نے نظر ڈالی ، اوہ تے غیر خیال بھلا بیٹھے  
تنختی قلب دی تے نقش یار والا ، وچ باطن دے خوب جما بیٹھے  
دے رین تصور دے وچ رہندے ، پشت گردن دی اوہ جھکا بیٹھے  
ناصر اوہناں دے بخت بیدار ہوئے ، جہڑے یار تائیں سینے لا بیٹھے



حکم محبوب دامن لینا ، بھانویں نفع تے بھانویں نقصان ہووے  
دست بستہ حضور دے وچ رہنا ، بھانویں عذر تے بھانویں امان ہووے  
نفع باطن دا ہے ایہو عاشقاں نوں ، بھانویں ظاہر بہت زیاں ہووے  
ناصر کریں قبول توں جان سیتی ، جو کجھ دلبراں تھیں فرمان ہووے





خیر ہووے طرف بچناں دی، کیہا آساں نوں دلوں بھلایا نہیں  
 پہلاں عشق دکھا آسان سانوں، ہن خاک دے نال ملایا نہیں  
 رسم بے وفائی تے عمل کر کے، بھانویں ہور کتے دل لایا نہیں  
 ناصر عاشقاں نوں سحر حسن دے تھیں، کیہا گھول تعویذ پلایا نہیں



دلبراں دے حسن ویکھنے نوں، اسمیں جان کے خانہ بدوش ہوئے  
 کوں یار دے وچ حضور رہے، مہربان ہو کے پردہ پوش ہوئے  
 کدی پھردیاں ٹردیاں یار ساڈا، بھلا نال ساڈے دوشا دوش ہوئے  
 ناصر وصل والا دن اوہ جانی، جدوں نال تیرے بادہ نوش ہوئے



ذرا کُو چشم محبوب دی تھیں، عکس مہر والا اظہار ہويا  
 سیل ہجرتے بحر فراق وچوں، یارو روح ساڈا اج پار ہويا  
 کوکب بخت والا برج سعد دے تھیں، اج آن بھانویں مددگار ہويا  
 ناصر وصل دا جام پلا جلدی، ہن تے شوق دا گرم بازار ہويا





رین جدائی دی سخت آئی ، پئی ویہن لئے رڑھدی جاوئی ہاں  
 نہ اور ار رہی نہ میں پار گئی ، وچکار پئی غوطے کھاوئی ہاں  
 کشتی بان ہو کے جے محبوب آوے ، موج غماں تھیں پار ہو جاوئی ہاں  
 ناصر دکھاں دی کوک میں یار تائیں ، رو رو کے پئی سناوئی ہاں



زہر پیا لڑا عشق والا ، تتی گھول ہتھیں آپ نوش کیتا  
 ذمہ ایس دے وچ نہ غیر دا اے ، میری اپنی طبع نے جوش کیتا  
 لوں لوں دے وچ ہن دھا گیا ، سانوں ہوش تھیں چا بے ہوش کیتا  
 ناصر ایہو شکایت یار دی اے ، جہڑا اوس سانوں فراموش کیتا



سکئی ہاں مکھ ویکھنے نوں ، کوئی شاہسوار ملا دیوے  
 ویہڑے اجڑے ایس مخزون دے نوں ، باغ حسن دے نال کھلا دیوے  
 ساقی مست سرشار خمار والا ، ہتھیں اپنی جام پلا دیوے  
 ناصر وانگ پتنگ نثار ہونواں ، جدوں حسن دی شمع جلا دیوے





شام ہوئی نہیں شام آیا ، دل مثل چراغ دی جلن لگا  
ایس چنگ چوڑی عشق دی تھیں ، ہن جسم سارا میرا بلن لگا  
دیگ شوق والی جوشا جوش ہوئی ، باقی جان والا مضغہ گلن لگا  
ناصر عشق خونی تیرے پیش پیا ، ایہناں سختیاں توں کدوں ٹلن لگا



صبر نہ آوندا یار باہجوں ، دل دی واگ میرے ہتھوں دور ہوئی  
سولاں سل کے جان حیران کیتی ، انتظاری دے سنگ تھیں چور ہوئی  
سینہ تپ کے گرم تنور ہويا ، سوز عشق تھیں جان منور ہوئی  
ناصر جان جہڑے ثابت قدم رہے ، سختی اوہناں دے سراں توں دور ہوئی



ضرب فراق محبوب دی تھیں ، دل چاک ہويا میں بیمار ہوئی  
دارو دین طبیب عجیب سارے ، صحت مرض تھیں نہ تل بھار ہوئی  
فجنوش ابریشماں صندلاں تھیں ، ہتھوں آکے طبع لاچار ہوئی  
ناصر دے دیدار بیمار تائیں ، ہن تے مرن کولوں پرلے پار ہوئی





طلب محبوب دی وج پھراں ، صبح شام ناہیں مینوں چین مائے  
 بھل جیہ دی ہیر ظہیر وانگوں ، کھلے کیس تے ڈھل دے نین مائے  
 باہ عشق تھیں جا افلاک چنچے ، اُچی رونی آں کر کر وین مائے  
 ناصر باجھ نہیں میری جان رہندی ، پئی تڑپنی ہاں دن تے رین مائے



عظم معشوق تھیں جان عاشق ، نال غماں دے آ حیران ہوئی  
 صدے جہر تے درد فراق کولوں ، میری زندگی ناتواں ہوئی  
 پہلی نظر محبت دی یار والی ، ہن تے آن کے تیغ بران ہوئی  
 ناصر جود جفا محبوب دے تھیں ، سینہ چاک ہو یا زخمی جان ہوئی



عشق دے جوش بے ہوش کیتا ، رہی ہوش نہ کوک سناؤ نے دی  
 میں تے سخت بیمار رنجور ہو یاں ، طاقت مول نہ دکھ اٹھاؤ نے دی  
 محرم راز ہے حال داٹے مینوں ، کراں عرض میں یار مناؤ نے دی  
 ناصر ہود حکایتاں چھوڑ سبھے ، کتوں خبر لے ماہی دے آؤ نے دی





غیرت ہے جالیدی جان میری، جدوں نال غیراں پیا ہسدا اے  
 رشک دے کے عاشقاں صادقانوں، واگ صبر والی ہتھوں کھسدا اے  
 دوروں رمز کنائے تھیں کرے الفت، جے میں کول بیٹھاں دلبر نسدا اے  
 ناصر کرے جے عرض وصال والی، گوشے ابروواں تھیں تیر کسدا اے



فضل کریم رحیم والا، جے کر آن ہووے گنہگار تائیں  
 ملے یار تے دکھڑے دور ہوون، تاں قرار آوے بے قرار تائیں  
 کراں عرض میں کل مصیبتاں دی، بھلا رحم آوے غمخوار تائیں  
 ناصر سخت ہے موت تھیں انتظاری، جا کے حال چکھو انتظار تائیں



قرب محبوب دا بہت مشکل، تاب حسن دی کون لیا سکے  
 کوچہ یار ہے قمعہ دیوار جیسا، بھلا کون اوتھے جہات پا سکے  
 جے کر شعلہ کوہ طور دا ظاہر ہووے، صاحب ہوش دا کون اٹھا سکے  
 ناصر دس خورشید دی روشنی نوں، کیہڑا دامن دے بیٹھ چھپا سکے





کیہہ دساں بات عشق والی ، اچن چیت ایہہ پائے زنجیر ہويا  
 چمڑ گیا سانوں گل دا ہار ہو کے ، کیہا سخت یارو دامن گیر ہويا  
 اتھے عقل قیاس نہ پیش جاوے ، ڈانواں ڈول پھراں بے تدبیر ہويا  
 ناصر چھیڑ کے ایس بلا تائیں ، نال غماں دے آ دلگیر ہويا



لکھ کے عرضیاں چیریاں نوں ، خدمت یار دی وچ میں گھلنی ہاں  
 نہیں نال جواب دے یاد کردا ، ایسے فکر کولوں نت جلنی ہاں  
 کہیا پیا نے جیا نوں کٹھن کیتا ، دکھ برہوں دے جان تے جھلنی ہاں  
 ناصر پھراں جھلی پچھاں راہیاں نوں ، سوہنے یار والا رستہ ملنی ہاں




منوں وسار نہ یار مینوں ، ایہو عرض میری کنویں یاد ہوواں  
 گھلیں سکھ دا بے پیغام کوئی ، تائیں اجڑی فیر آباد ہوواں  
 مہنے خلق تے جھڑک ملامتاں تھیں ، ایس زندگی وچ آزاد ہوواں  
 ناصر بانجھ تیرے ہور کدھے اگے ، دس جا کے داد بیداد ہوواں






نام لے لے تیرا جیونی ہاں، ایہو دین تے ایہو ایمان میرا  
ایہو دولت تے مایہ ہے پاس میرے، ایہو پونجی تے ایہو سامان میرا  
تیرے درس دیدار دی خواہش مینوں، ایہو عرض تے ایہو بیان میرا  
ناصر لا سینے اگ سرد ہوے، مٹے سوز تے درد تپان میرا



واقف محرم حال دا ایں، ہن پرت واگاں میں بے حال ہوئیاں  
نہیں گھلدا سکھ سنبھا کوئی، بھانویں دلوں میں خواب خیال ہوئیاں  
گوشے بیٹھ دکھی زاری کرنی آں میں، اکھیں روندیاں روندیاں لال ہوئیاں  
ناصر کون سنے فریاد میری، تیرے باجھ میں خاک مثال ہوئیاں



ہار سنگار دلدار باہجھوں، زہری ناگ ہو کے ڈنگ مار دے نہیں  
پیچ مار وانگوں پیچ تاب اندر، زیور زیب مینوں بس چاہڑ دے نہیں  
سونار پاتے ماڑیاں محل مندر، کل خاک تو دے بناں یار دے نہیں  
ناصر پیچ تے باغ گلزار سنے، سارے طالب درس دیدار دے نہیں





یارِ دا حسن جمال جدوں ، پردے باطن تھیں جلوہ نما ہو یا  
فکر و ہم خیال اغیار والے ، سب دور کر کے یکتا ہو یا  
حق عاشقاں دے عشق تار ہو کے یَحْرَقْ مَا سِوَى اللَّهِ ہو یا  
ناصرِ محو شہود بالذات ہو کے ، جان جاناں دی نال بقاء ہو یا

